

AGENDRE TRINITATIS

MINGGU 16 Agustus 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 335**

335. DA MASUNOSUNO NDRA' UGÖ 1

do = g 4/4

MM = 88 - 96

1. Da masunosuno ndra' ugö Lowalangi Yehowa.
 Omusomuso sa ' ae dödöma ya ' aga soi Indonesia.
 No Ö' efa ' ö ba wangosawuyu ohahau dödöma ba wohalöwö merdeka no buala-Mö khöma.
2. Musindro soima Indonesia fa' ahakhö dödö-Mö.
 Me no Ötolo sa' ae ndra' aga ma' andrö khö-U saohagölö.
 No Ö' abölö' ö ndra satuama ba watelesa wola'wa uduma.
 Merdeka no buala-Mö khöma.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 284

284. YESU, KHÖU U' ANDRÖ TOLO 1

do = g 3/4
MM = 69 - 76

1. Yesu, khö-u u' andrö tolo, saʷatögu Ndra' ugö.
Na tosasa göi ndra' odo, hagaini Eheha-Mö.
2. Ba na so wa' abu dödö, ba na oya wamakao.
Lö usaʷa danö bö' ö, ha khö-Mö udölödo.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **V Moze 16:18-20**

18. Fefu mado ba dozi banua khöu, nibe'e Lowalangu, Yehowa, khöu, ba öfataro khöu zanguhuku ba kumandru, sangatulö'ö fanguhuku niha sato.
19. Böi fuyu'ö huku, böi ebua dödöu zambuana, böi a gana'a; ö ana'a andrö, ba abösi zatuatua ibe'e, ba ifuyu'ö huhuo satulö.
20. Ha satulö öfaigi, ena'ö auri ndra'ugö ba ena'ö lö aefa khöu danö andrö, nibe'e Lowalangu, Yehowa, khöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua 'ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

SA

: **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.

SATO : LAKHÖMI KHÖ LOWALANGI SI YAWA.....
: Manunö:

450. BA FA’ATULÖ BA GULIDANÖ

1. Ba fa ’a tulö ba gulidanö ba niha ni’omasi ’ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)
- : Da tafondrondrongo daroma Li Lowalangi, tehalö moroi ba zura Galatia 3:26-29
- 26.Dozi ami sa, ba no ono Lowalangi, moroi ba wamati andrö khö Keriso Yesu.
- 27.Ha wa’ato ami sa, si no mubayagö idanö, ba khö Keriso, ba no mi’onukha Keriso.
- 28.Ba da’ö lö niha Yehuda, ba lö Dawa Heleni, lö sawuyu ba lö si tenga sawuyu, lö ira matua, ba lö ira alawe; dozi ami sa, ba ha samösa, ba khö Keriso Yesu.
- 29.Ba na khö Keriso ami, ba no ma’uwu Gaberahamo ami, sanema ondröita, dali gamabu’ula li andrö.

Ya’ahowu zamondrongo taroma li Lowalangi ba same’e ba dödö.

SA+SATO : Yaduhu

8. FASÖMBATA
\

Iada’e tebe’e khöda ginötö ba wolohe fasömbata khö Lowalangi. Ta’osamuzaigö wame’e, he fasömbata si föföna, ba simanö göi zi mendrua awö zi medölu, sifao fangowuloi fasömbata DPS. Ba si föföna ua da tafondrondrongo Li Lowalangi me imane:

❖ Same’e sumange fangandrö saohagölö, da’ö zamolakhömi Ya’odo, ba zi lö sinegu ba mbuabuania U’oroma’ö wangorifi andrö khö Lowalangi.

SA : Tafa’ema wasömbata khö Lowalangi, manunö ita moroi ba Mbuku Zinunö Numero 334

334. OMUSO DÖDÖMA SO’ AYA 1

do = bes 4/4
MM = 96 – 104

1. Omuso dödöma So ’ aya wa ’ omasi-Mö khöma.
No Ötolo Örorogöga he göi soima Indonesia.
No Ö ’ efa ’ ö barö mbawa zangosawuyu ya’ aga.
Da ma’ andrö saohagölö-Mö wa’ omasi-Mö So’ aya.
2. No sumindro sa’ ae ndra’ aga, soima Indonesia.
No Öbe’ e göi zamatörö si te’ anö ba wohalöwö.
Ohitö dödö tötönafo, afu oi omuso dödö.
Ba fefu nono wobanua oi so wa’ ohahau dödö.
3. Ba ato nasa zabu tödö ba wa’ ambö soguna.
Ba ato göi zangaröngarö börö wökhö soya ngawalö.
Ba ato nasa lö sekola, me ambö’ ambö soguna.
Ma’ andrö khö-U Lowalangima, folala sa’ ae dödöra.
4. Ya’ e ndra’ aga banua-Mö, matou’ ö ba danga-Mö.
Fefu zamatörö ya’ aga abölö’ ö ba fahowu’ ö.
Bè khöra wa’ atuatusa, bè wa ha sara dödö.
Ena’ ö mohalöwö ira si fao fa’ atulö dödö.

wolohe fōna fasōmbata, ba la 'o'ō gofanōwa note zinunō (irama lagu).Fatua lö möi ira wolohe fōna, ba imane Sangai Agendre:)

“Da tafasao wasōmbatada andre fōna Lowalangi,.....Muzizio ita fefu.....
Manunō ita moroi ba Mbuku Zinunō numero 261

261. YA'E ZUMANGE ¹

Ira'alawe□

- 1. Ya ' e zumange fasōmbata, ma ' ohe sumange Yehowa.
Iramatua
Reff :Ma'andrō khō-U fahowu'ō zumange ni 'ohema khō-Mö
- 2. Ya'e zumange fasōmbata mabe'e soroi ba dödöma.
Reff : Ma'andrō khō-U
- 3. Ya'e zumange fasōmbata buala si'otarai Nama.
Reff : Ma'andrō khō-U
- 4. Ya'e zumange fasōmbata, boto, noso, ba fa'aurima
Reff : Ma'andrō khō-U
- 5. Ya'e zumange fasōmbata, lö irugi zomasi dödö-U.
Reff : Ma'andrō khō-U
- 6. Ya'e zumange fasōmbata, ma'aohasi gölö Zo'aya.
Reff : Ma'andrō khō-U

FANGANDRÖ : (*Fangandrö nidōnia'ō fasamōsa zangowuloi fasōmbata, aefa da'ō ba lafa'ema ba Danga zangai huhuo, itema'ō sangai huhuo awena itou'ō ba dete meza. Ba na so Wasōmbata si sambua ni'ofulu, owasa wanaru ma owasavvamasi, btn ba itema'ō sangai huhuo si fāo taroma Li Lowalangi si faudu ba wasōmbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat Tuwuna
 - b. Kegiata Komisi Bapak
 - c. Kegiata sektor 1
 - d. Kegiatan Komisi Perempuan
 - e.

9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

- 1. Uhonogö sibai dödögu ba wamondrondrongo li Mö Yesu
Mangalulu ndra'odo fōna-U ba gametahö-Mö ia da 'a
Öbayoini Eheha-U Yesu dozigö mbanua samati khō-U.
Ubokai dödögu khō-U Yesu nahia daroma li-U.
Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.
Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Yesaya / Yesaya 56:1-8 (Tuho Migu: Mi'o'ō Gamakhoita ba Milau Zatulö / Taati Hukum dan Tegakkan Keadilan)*
 - b. Fanuriaigö
 - c. Nitano ba dödö. *Yesaya / Yesaya 56:1a (Da'ō niwa'ō Yehowa : Mitörö lala ba milau zatulö. / Beginilah Firman Tuhan : Taatilah hukum dan tegakkanlah keadilan.)*

d. Fangandrö Fanga’aro’ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So ’ aya.
Tanö ba dödöma ia, fa böi olifuga.
Fahowu ’ö ia khöma, ena ’ ö ohahau dödöma fefu.
Heta ba dödö zi lö sökhi, ma’o ’ ö niwa ’ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu’ö famatida Ya’ita niha Keriso föna Lowalangi, muzizio ita fefu.....endronga lida

SA+SATO : ❖ Ya’o mamati khö Lowalangi Ama si lö ambö fa’abölö, somböi banua si yawa awö danö.
❖ Ya’o mamati Khö Yesu Keriso, So’aya ya’ita, Ono Lowalangi si ha samösa, nitema nina-Nia Maria khö Geheha Ni’amoni’ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako’o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa’abölö. I’otarai da’ö mangawuli Ia dania ba wanguhuku niha sauri, awö zi no mate.
❖ Ya’o mamati khö Geheha Ni’amoni’ö, ba ufati ha sambua mbanua ni’amoni’ö, fefu niha Keriso, fa’awösa niha ni’amoni’ö, ba fangefa horö, ba femaoso mboto zimate, ba fa’auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 336 ayati 1-2**

336. DA MASUNO NDRA’ UGÖ ₁

- do = g 4/4
MM = 88 - 96
1. Da masuno Ndra ’ ugö Ama Lowalangima.
No Öfatenge Yesu fangorifima.
Aefa sawuyu horö ba sawuyu gafökha.
2. Omuso ae dödöma, wa’ omasi-Mö khöma.
No sa aefa ndra’ aga sawuyu niha.
No Ötehe merdeka, soima Indonesia.

15. FANGANDRÖ SALAHI + FAMATENGGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo’aya ya’aga Yesu Keriso, Si no mamahaö ya’aga ba wangandrö mamane :

SH + SATO : He Ama khöma siso ba zorugo, ya te’amoni’ö döi-U. Ya tobali banua-U fefu niha, Ya itörö zomasi ndra’ugö, hulö ba zorugo, ya si manö göi ba gulidanö. Öma sirugi ma’ökhö be’e khöma ma’ökhö andre. Ba efa’ö khöma horöma, si mane fangefa’öma sala ba zi so sala khöma. Böi ohe ndra’aga ba wanandraigö, efa’öga ba zi lö sökhi. Me ya’ugö zamatörö banua-U, ba sokhö fa’abölö, awö lakhömi, irugi zi lö aetu. Yaduhu

SH : FAMATENGGE + HOWUHOWU :

Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
- ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **336 ayati 3**

336. DA MASUNO NDRA' UGÖ 1

do = g 4/4
MM = 88 - 96

3. Da mangandrö ndra' aga khö-U Lowalangi Ama.
Ya lö mamalömalö Öfahowu' ö.
Bè wahasara dödö ba wogamö ohitö.

SH : YA'AHOWU

SATO : YA'AHOWU